

四庫全書

集部

欽定四庫全書

文苑英華卷九百四十八

宋 李昉等

編

職官十

周大將軍柳遐墓誌一首

周大將軍蕭太墓誌一首

周大將軍趙廣墓誌一首

唐邢國公李密墓誌一首

周大將軍聞嘉公柳遐墓誌 庾 信

君諱遐

周書作霞

字子昇河東解縣人也秦始征晉之地漢

開平越之鄉律中夷則星居鶉首况復莊謀於衛既為社稷之臣喜對於齊無廢諸侯之職祖叔珍宋員外散騎常侍義陽內使有徐邈之應對居於散騎之省有汲黯之正直理於淮陽之邸父季遠臨川王諮議叅軍宜都太守蘭臺石室是所洽聞白馬飛狐逾高詞氣西都

吳

一作英

融擅名江表言談相會宛如舊馬君膺令德之

靈稟冲和之氣韶亂髻髮夙智早成愛敬自天虔恭得

性含仁抱義履信居貞世父儀同忠惠公特加器異乃
謂公曰吾昔逮事伯父太尉公見語云我昨夢汝登一
高樓樓盡峻麗吾以坐席乞汝汝或富貴恨吾不及見
耳吾向聊復晝寢又夢將昔時坐席還復賜汝汝位官
當復見及王祥佩刀世為卿族鮑永驄馬家傳司隸以
此連類差無慙德輕車西昌侯作藩襄漢君時年十二
以民禮脩謁進止端詳神情雅正侯目送之不輟試遣
左右踐君衣裾欲視舉動君徐步稍前曾無顧眄魏侯

之見劉廙不覺欽容漢主之觀田鳳遂令題柱比之今

日曾何足云騾騎廬江

周書作陵

王帝子出藩懸衡高選以

君華望召為主簿張坦直諫既稱荀令之香鄒湛知言

彌見羊公之德諮議府君於都薨背君奔赴六日即屆

京師形骸毀瘁不復可識靈柩沂江中川薄晚亂流乘

選迴風反帆舟中之人相視失色抱棺號慟誓不求生

俄爾之間風波即靜咸以君精誠所致成都孝子自赴

江流桂陽先賢身彰野火並存靈柩咸可傷嗟太夫人

乳間發瘡醫云惟得人吮癰血或望可差君方寸已亂
應聲即吮旬日之間遂得痊復君之事親可謂至矣從

兄右衛擁旌嶺表若

疑作苦

相携致昔馬遊志氣為馬援

所知班嗣才學為班彪見賞復聞於今日矣乃除永化
縣令靜尋歌案或吟長岑之遠乍撫鳴琴不以河陽為

陋日南金柱合浦珠泉莫肯

一作曾莫

經懷未嘗留目解中

平西邵陵王法曹參軍仍轉尚書工部侍郎始入禮閣
既登蘭閣尚書僕射陳郡謝舉人望國華引君言論謂

同位坐曰江漢英靈見於此矣西中郎岳陽王以綠車
之重臨西河之牧敕用君為本州治中尋遷別駕王叔
理以品物流名陳仲舉以題軒馳譽君之展驥兼而有
之及乎大盜移國王室騷然月動星搖雲平虹直岳陽
王承制缺左當壁漢南天網所頓英賢必集授君散騎
侍郎吏部員外郎散騎常侍兼太子侍講監儲甲觀事
重史冊侍講桂宮名高張禹俄遷車騎大將軍侍中開
府儀同三司餘如故方之騶乘霍去病為侍中譬彼將

兵公孫敖為驃騎足以照耀六府謨明九德豈直允諧
上將匡贊中軍而已哉既而言從梁國服政鄴都管仲
有詞即受下卿之禮臧孫見德還奉嘉賓之宴有詔授
使持節驃騎大將軍開府儀同三司霍州諸軍事霍州
刺史犀節去關袞衣馳傳迎郊則文學前驅賓衛則邦
君負弩直以五溪遼遠馬伏波之思歸三湘卑濕賈長
沙之不願是以宜城刺史直會鹿門白沙故地仍留龍
種天厲弗戒奄然終極天和某年歸寔於襄陽白沙之

舊瑩君器宇詳正風鑒弘敏澡身浴德游藝依仁汝南
令望扶風長者不言財利王夷甫之為德不談人物阮
嗣宗之為人從容亂離之機保此令德舒卷風雲之際
無妨貴仕張衡渾儀之後即賦歸田杜預沉碑已來遂
停鄉里王仲宣有讀書之樓諸葛亮有彈琴之宅實欲
因此謝病閑居終焉嗚琴在膝或對故人寶劍自隨時
過稚子百年俄頃嗚呼哀哉遂使君子之陵止埋銅劍
賢臣之墓唯銘石函銘曰

有莊有惠居魯居衛義是隨時才堪濟世比部尚書東
京司隸必復其始侯君相繼華蓋一岳文昌一星青衿
辯志童子離經義最非馬書勤映螢往年靈樞漂泊江
池以君哀慟川后停波揚名北海馳譽西河誰登九折
不入朝歌蔚炳胥變攀陪遂遠白塵隨軒丹暈附冕位
參上將榮兼本選蛇盤綬結龜迴印轉來朝平樂歸政
咸陽蕃維即啓軍幕仍張起茲禮數峻此戎章長離宛
宛刷羽陵江世急奔流年催驚隼滅沒頓轡扶桑搖軫

智士石折賢人星殞西鄂芝枯南陽菊盡愴焉啓首

疑作

手生榮終極相杵輟春鳴機罷織梵梵盾子視陰餘息

霜露履之哀哉樂棘龍巢北望鳳闕前觀松長風遠地
厚泉寒書埋簡落琴覆絃寬贈行之冊書而納棺

故周大將軍義興公蕭公墓銘 前人

昔司徒之敷五教當堯讓之初丞相之物萬機值秦亡
之後若殷人受氏乃承微子之封梁運應圖實啓延陵

之國公諱太

周書南史並作泰犯
周太祖諱改作太

字世怡蘭陵人也太

祖文皇帝之孫鄱陽忠烈王之子派別天潢支分若木

直幹自高澄源已遠茂親明德是稱毛畢之功宗子維

城乃建邢茅之國大同元年年十六封豐城縣開國食

邑五百戶山臨鶴塞非無陶侃之賓氣連斗牛即有張

華之劔解褐給事中仍太子洗馬公子出身非郎官而

同品中朝洗馬異式道而前驅以丘疑居之誠為高選

大同元年入直殿省其年轉太子中書舍人周書作太子中舍人

南史止作中書舍人疑並歷二官南宮宿衛職司蘭錡北閣從班榮叅

顧問通籍兩宮得賢斯在大同三年授持節仁威將軍
譙州刺史塞惟祥氣之境刺舉消憂之地南陽風俗文
學更多美稷相迎童兒逾遠既而亂離瘼矣王室騷然
大夫有行役之悲君子有無期之怨皆關懷楚扁舟而
行江漢奉當壁之君張華歸中興之主承聖元年拜侍
中無雙對問實踵武於丁鴻多識舊章足齊衡於王粲
二年除持節平西將軍臨川內史仍轉平南將軍桂陽
內史尚方鑄劔再轉金龜御史分符雙封銅虎豈直鄧

攸清白見稱五鼓之歌劉寵廉能名為一錢之郡遂以
天保未定王途多梗還吳不可歸蜀無路臨淄負海翻
然改途竄身清漳垂翅渤海蒙投車騎大將軍散騎常
侍仍為持節都督永州刺史而秦亭厭境邠柝聞城鼓
角地鳴將軍天落雖復瓶缶聽聲無防於地道冠繩柴
疑結不却於雲梯請命受降翻歸都護周朝以楚材晉
用不停於平章趙壁秦求無論於驕遠以保定五年降
使持節驃騎大將軍開府儀同三司義興郡開國公食

邑一千三百户天和二年授使持節都督蔡州諸軍事
蔡州刺史楚頃襄之愛子既布衣而戍谷魏安釐之母
弟亦羈旅於邯鄲憂既傷人降年不永春秋五十有一
薨於蔡州之鎮送故入關空餘衮服歸軒在道還更垂
帷嗚呼哀哉有詔贖官

周書作贈本官加
并洛衣三州刺史贈謚禮也五年

十一月塋於長安北原擣里子之墳正臨武庫太史公
之墓直對臯門銘曰

玄鳥遠烈相土宏謨東封宋社西歛秦圖人承佐漢國

紹開吳有美，令德茂親藩。卽建國皇支，承家帝弟率。由
冥會亮直，天啓轅固聞。詩唐都習禮，博望之遠金華之。
宮文林講德，武帳參戎名。書柱上策滿，帷中託身溜。右
蒞政淮東，秦降西逼楚。澤南窮時驚，獵火或懼秋風屬。
期遠畧逢茲，應變陣橫十里兵。圍一月，月暈孤城塵驚。
虛援春筍，非糧秋蒿。無箭垂翅，卧虎夷矜。輟戰時值懷
來恩加始，賞王爵愈峻。戎章更上朱鷺才，飛虞歌卽響。
泣子留恨，藏書長往。炎涼迭運，一作零落山丘霜芬幕。

月松氣陵秋嗟南國之王子成東陵之故侯

周故大將軍趙公墓銘 前人

公諱廣字乾歸邵惠公之元孫幽孝公之長子若木拂
日長蛇委天龍圖幕河之光神鼎連雲之氣六辯構字
五運徵祥是以維嶽降神自天生德凝脂點漆日角珠
庭為子則名高五都為臣則光照千里華蓋中天之峰
未階其峻虞淵浴日之水不盡其源歲在瑯車年方竹
馬月內桂樹切問能訓石上木生懸思即悟年十一孝

公薨焚焚在疚孺慕過禮泉驚孝水竹動寒林三行克
宣八翼斯舉大周建國宗子維城設壇封人分司典命
開國天水郡公食邑二千戶元年授使持節驃騎大將
軍開府儀同三司其年四月授都督秦州刺史孝公久
牧汧隴遺愛在人今見撫我君之子豈獨司隸之臺鮑
宣累葉丞相之府帝賢重代二年拜大將軍方衛青之
張幕冊重元勲譬韓信之登壇榮高獨拜武成元年遷
都督興梁等十九州諸軍事梁州刺史蟠冢導漾乃濟

漢之東流蔡蒙旅平實華陽之西極其年九月改封蔡國公食邑萬戶地接韓城關隣楚鄣戶封八縣恩深寇恂之功邑啓萬家事極曹叅之賞保定元年授少司寇犴戶苔生圉關筵動載酒屬車幸無冤氣觀囚軍府或聽鳴琴二年轉一作守蒲城都督潼關等六防諸軍事

其年閏月遷都督秦渭等十二州諸軍事秦州刺史公

亟牧冀城頻藩隴坻豪桀斂手貪殘解印加以上谷

一作

國精兵漁陽噪鼓北臨高柳南望長榆匈奴下馬之山

貴相藏酒之谷莫不遠慕威聲遙承風化二年奉詔向
甘州迎皇后有文書手仲子之歸紀裂繻來卿為君逆
自非名高絕國威被和隣豈得稱族而行尊君之命四
年授柱國大將軍昭陽以功高見用項梁以名將當官
以今方之彼有慙德天和三年授都督陝虞等八州甘
防諸軍事陝州刺史屈產垂棘既有滅虢之兵王官羈
馬非無絕秦之路公以正正鼓旗閑閑車軌服叛威遠
算無遺策但以中外久勞積斯災疾山川則並走群望

賓客則諸侯在門是以請謁承明言歸湯沐方詢夏郊
之祀或辯桑林之崇更除秦州刺史仍襲父爵幽國公
分流之嶺未登晚塞之城空望大夫人以公羸瘠悲泣
相守胃氣交衝奄捐館舍公頓伏苦寢水漿不入雖王
人勸奪瘡鉅愈增母死於子子死於親慈孝之道一朝
惣集大漸之辰春秋二十有九四關罷市三軍行哭言
尋聽訟猶見寒棠還顧空營唯餘衰柳謚贈某官禮也
六年六月歸葬於秦州之臬原玄甲啓路追旌於一作驟

騎之功龍旂贈行深悼東平之遠公亮直惟忠溫恭惟
孝居之仁義飾以禮樂風神機警聰敏精明有佞於宮
牆無形於喜愠金版玉策之記枕籍忘疲蘭葉芝花之
圖膏映必舉碣石秋雲昭陽落月思風含臆言泉流吻
翩翩書記則阮瑀陳琳荏荏風流則王濛謝朓語其百
發方絕於猿吟論其百中劍深於鴈陣枚乘之望梁苑
不憚棄官樂毅之求燕路無辭千里至如應變將畧雷
電立成帷帳謀猷孫吳閣合有品藻人理之志有清平

天下之心鵬路忽催龍津遂壅嗚呼哀哉大宰早茂三
荆長辭萬始撫養遺孤連枝同氣馬援之誠兄子義存
謹飭王况之事世叔情深愛敬同德比義此之謂乎乃
為銘曰

御乾從紀乘離作聖白環讓德玄珪受命平一地紐增
輝天鏡傍廕數國前臨七政地屬先登一作平陰時逢下武

玉璜撥亂金騰光輔刊晉承家邢茅祚土波分建木派
流玄滄景命寅序徽猷淵塞忠有令圖孝為全德山節

蒞政桓珪守國瀚海將臨燕山行勒平樂高宴金華說

一作經

論儒壁水親禮明庭相風待賦承露須銘乘舟向

日策馬隨星德舉克明能賢允淑上將授服元戎推轂
趙失東漁敵亡南牧箭下遼城泥封函谷袞衣頻露丹
旻亟卷約法情推繁辭理遣盜烏懸察疑蛇立辯人共
官園家同野籟籟雲推轉風落似星裂中台山傾左鎮
夏楹舍爵殷階啓殯繆幕躡行明旂庭引秦川直望隴
水分飛山河滿目容衛靈歸陵圖石馬車畫袞衣小山

搖落長林變衰淒愴原隰荒涼宅兆樹密人稀山多路
小十里松城千年華表夜臺方寂窮泉無曉

唐故邢國公李密墓誌銘

魏徵

觀夫天造草昧之初有聖經綸之始原鹿逐而猶走瞻
鳥飛而未定必有異人間出命世挺生負問一作扛鼎之

雄圖鬱拔山之壯氣控御英傑鞭撻區寓志逸風飈勢
傾海岳或一九請封函谷或八千以割鴻溝夏殷資以
興亡楚漢由其輕重懋功隳乎既立竒策敗於垂成仰

龍門以摧鱗望天池而墜翼求之前載豈代有其人者
哉公諱密字玄遠隴西成紀人自種德降祉弘道垂風
導碧海之長瀾踈閭峰之遙構家傳餘慶明哲繼軌論
文德則弼諧舜禹語武功則經綸秦漢其餘令望且公
且侯垂翠綵拖鳴玉者蓋亦老舊未得盡傳良史莫能
詳載矣曾祖弼周太師八柱國衛公祖曜周太保魏公
父寬隋上柱國大將軍涼州總管蒲山郿公並匡周之
美呂望愧其嘉謀平吳之功杜預慙其遠畧公渥注龍

種丹穴鳳鷄降列象之玄精稟成形之秀氣雲生五色
一日千里起家左親衛府東宮千牛備身趨馳武帳暉
映廊廡出入龍樓先生道路隋文帝精華已竭義不斷
恩始開凌長之源將致覆宗之禍公見機而作謝病言
歸優游經史晦明藏用風塵靡雜賓友簡通交必一時
之俊談必霸王之畧尚書令景武公楊素崖岸峻峙天
資宏亮壁立千仞直上萬尋嗣關西之孔子追陝東之
姬旦深謀遠鑒獨步當時公年甫弱冠時人未許景武

一見風神稱其傑出乃命諸子從而友焉並結以始終之期中以死生之分暨有隋二世肆虐黔首三象霧塞五岳塵飛妖災所臻匪唯血落星隕怨讎所動寧止石言鬼哭轍迹遍于天下徭戍窮于海外冤冤塞宇宙白骨蔽原野墳壟發掘城郭丘墟萬里蕭條人煙斷絕公與楚公叶契共拯橫流未息溟海之波幾及昆岡之火亡自道中竄身草澤奮臂大呼群雄嚮起豹變梁楚鳳翔鞏洛據敖庾而塞轆轤登太行而臨白馬九服諸侯

四方豪傑或跨州連郡或稱帝國王合從締交爭亡秦
族者莫不驅茲青犢背彼黑山擊長轂以雷奔望高旗
而電集不期而會者以百千數遂大開幕府肇啓霸一作

雄

圖敷七德以宣威掩八紘而取俊鱗羽畢萃草澤無

遺於是發人文以化之播仁義以乘之應時機以鼓之
惣群策以決之九野風馳六合雷駭彈壓趙燕震驚江
漢世克甚昆陽之敗煬帝同望夷之禍化及師殲於黎
陽建德稽顙於河朔七國之地四為我有五都之所三

在域中敵騎千群長戰百萬飲馬則河洛可竭作氣則
嵩華自飛近無不懷遠無不肅聲溢寰宇威懾中外屬
人神乏主以天下為己任荒裔佇來蘇之望遺離疑作黎

有息肩之所雖寔下民伊賴然非上帝所臨壯志展於
人謀雄圖屈於天命始先鳴於大樹終垂翅於群孽乃
眷西顧舉茲東夏載驅周道來謁承明帝曰念功降茲
休命上柱國邢國公拜光祿卿公雖威未振主自為謀
蓋當世舊部先附多出其右故吏後來或居其上懷漁

陽之憤憤耻從吳耿後列同淮陰之快快羞與絳灌為
伍負其智勇頗不自安俄屬元帥秦王經營灑洛亦親
承祕策率卒先行既出鷄鳴之關方次休牛之塞詔命
施號更盡嘉謀公想雲臺之偽遊慮青衣之詐反心辭
魏闕之下志在江湖之上慕范蠡之高蹈追赤松之遠
遊熊耳峰危羊腸徑險降吳不可歸蜀無路短兵既接
脩途已窮陰陵失道詎展拔山之力騅馬不逝徒切虞
兮之歌臨陣喪元時年三十有七故吏上柱國黎陽總

管曹國公徐世勣等表請收葬有詔許焉體質貞明機
神警悟五行一覽半面十年雅善書劍尤精文史輕字
一夫之勇學萬人之敵至于三令五申之法七縱七擒
之功出天入地之奇拔幟擁沙之策莫不動如神化應
變無窮負縱橫之才遇風雲之會望紫氣以驥首凌扶
搖而振翻窓不召之衆問獨夫之罪從我如流三分將
二遂有囊括四海之志併吞六合之心既而神器有歸
朝宗天闕率以從義之旅為勤王之師更名作重自疑

功高是懼將遠遊以逃難黷途窮而及禍惜乎高烏未
盡良弓遽折敵國猶梗謀臣已喪天子過細柳以興嗟
聞鼓鞀而軫慮雅重事人之節方申詔葬之禮粵以武
德二年某月日塋於黎陽山西南五里之平原禮也故
吏徐世勣等或同嬰世網共涉難艱感意氣於一言託
風雲於千載所恨並發唐代不列元凱之功俱為漢臣
獨漏山河之誓是以慟深樂布悲甚向雄慮陵谷之推
移勒斯銘於泉戶庶使神遊楚國無慙項羽之臣鬼往

齊都不愧田橫之冢乃為銘曰

如馬唐臣猶龍周史宏道百世邁德千祀帶地深

長一作

源極天峻峙玉種逾

作俞

潤蘭芳不已成形騰氣成象降

精餘慶鍾美惟公挺生少表竒智早擅英聲符采發越

志畧縱橫隋道方衰始開陵長覩茲兆亂緬然長想閉

關晦跡招弓莫往盤桓利居不嬰世網運居道消時逢

改卜朱旗爰止素靈已哭野戰群龍馳走原鹿競窺周

鼎爭亡秦族時遭蠖屈運偶鳳翔幼勞百戰經營四方

振蕩六合牢籠八荒始聞楚霸終基漢皇群雄並起莫
恢王度聖人既作皇天乃顧爰自東夏言遵西路來擬
竇融寵逾英布爵窮五等位登九棘帷幄叅謀高衢騁
力海運方遠圖南未極縱壑擢鱗摩天墜翼熊耳失路
新安殞身長男喪楚少女留秦驚魂靡託反葬何因列
樹松楸唯餘故人

文苑英華卷九百四十八

欽定四庫全書

文苑英華卷九百四十九

宋

李昉等

編

職官十一

葛郎將威德墓誌一首

臧羽林墓誌一首

劉驃騎海賓墓誌一首

梁冠軍慎初墓誌一首

閻金吾用之墓誌一首

馬將軍實墓誌一首

贈郎將葛君墓誌

張說

公諱威德字某曰

集無此字

葛氏本梁國寧陵人也因遷徙

今居京北涇陽縣父寶未仕早世公室無陶白之資朝
無金張之援不承過庭之訓不漸鼓篋之術而能奮飛
喬木獨拔深濟富忠孝而由已善射馭而聞天早以武
藝妙選供奉每扈遊別館侍蹕禁林何嘗不左發五紆
傍連雙兔歲久拜元城府左果毅都尉尋加上柱國入
陪內伏思馬期才出典外軍握兵之要所謂白珪集作桂非
特達青雲自致者也其用未展其生有涯神功二年某
月日終於東都私第殯於北邙山之原夫人太原郡太

夫人郭氏從夫有禮以子而貴開元八年十一月薨於

京師之脩真里有子福順克家用孝開國推集作惟忠泣

風樹之無追痛榮祿之不逮哀戚之情上感飾終之澤

下流窀穸有期祖奠將設有詔贈右驍騎集作衛郎將開

元九年二月七日合葬於長安縣龍首鄉禮也鬱鬱宰

樹蒼蒼墓田恐佳城之見日秘銘石於重泉詞曰

都尉武達夫人禮封令德高行與偶榮集作名雙自古迄

今仁賢同盡唯傳忠者集作孝餘慶不泯

羽林大將軍滅公墓誌銘

李 邕

夫纏兵者寓內所苦用武者朔漠所懸粵若董戎三軍
司帥萬里未易為也是以累戰必勝所謂興國每守必
固所謂扞邊英雄歟忠公歟不然曷以分命山河書勲
竹帛者也公諱某字某莒人也其先周公之祚胤自僖
伯哀伯正詞魯史太傅太守理迹漢朝克揚厥休不泯
于代所從來遠矣公即隋銀青光祿大夫海州摠管上
柱國東海公府君之曾孫皇朝請大夫靈州長史上柱

國襲東海公寵府君之孫皇朝散大夫原州司馬贈銀

州刺史上柱國德府君之子少而習書長而事武特稟

間氣雅伏

一作持

大名暗合孫吳自比管樂移家共用乃

出孝首公用仁足以子人崇義足以開物弱冠應穿葉

附枝舉擢弟授長上再遷果毅都尉三除即將加銀青

光祿大夫莅歷單于安北靈勝洮鄯安東七州都督護

擁旄豐安河源莫門朔方朔州平虞六軍經畧節度營

田大使三入羽林大將軍加冠軍大將軍上蔡縣開國

公至若設奇兵勦勅敵智出人境事揚天聲經之三邊
倏忽四紀舉無遺策動有成功雖李牧十年武侯五月
罔足以議及乎此禁旅直嚴更遏周墻之禍明增鉄障
之安國又何加焉自頃卧疾時扶力强飯嘗以匈奴未
滅家國所讎長吟朔風太息秋序嗚呼陵谷者地之險
有時而遷日月者天之光有時而異况於人乎風瘴彌
留以開元十七年八月二十二日薨于平康里之私第
時春秋六十有八親友揮淚朝廷歎息逝川歸海長城

復隍悲夫以明年七月卜地於白鹿原禮也嗣子定遠
將軍前左驍衛翊府左郎將兼檢校左監門衛中郎將
上柱國敬廉次子中大夫前安北都尉上柱國希莊三
子前左金吾衛中候賜紫金魚袋上柱國公四子前左
司禦率府長史賜紫金魚袋內供奉上柱國奉忠五子
前殿中省進馬上柱國敬泚等並棘風茹荼殓露泣栢
號天自毒負土空窵用紀石銘將符竹簡自承訪舊遠
託馳誠事梗繫於豐碑情辛勤於絕筆其詞曰

周公錫盾魯國因名矢魚興諫納鼎飛聲家傳禮樂代
有賢英才子間出武功特興提兵北壘救敗西鄙保界
七州彌曠四紀無堅不陷無強不却三邊風清萬里雲
廓謀慮縱橫威名昭灼物莫能又運何以長邊也不幸
人之云亡風沙未息松柏已行哀哀孝思冥冥泉壤高
山或遷其詞爰疑作安仰庶石銘之可託或萬里之無爽

驃騎大將軍劉公墓銘

穆員

公諱海賓彭城人也祖滔皇朝散大夫徐州別駕父玄

銀青光祿大夫澤州刺史公以義俠聞于汧隴之間洎天下兵興以身許國累功百戰全生萬死歷官十七政至于開府儀同三司御史中丞樂平郡王食實封五千戶充涇原節度兵馬使建中初逆將劉文喜竊涇州叛皇上以神武肅毅齊一四海欲使亂臣賊子作誠于涇六月興戎群帥奔命前事之日公挈長子光國度文喜將叛而不支也始以奏請造于帝庭敷露姦慝陳獻忠欵期以父子為其膏肓上撫而還之嗚呼天地啓公之

謀果有雷電之誅假于光國之手泉磔文喜獻其元于蠻夷之邨城池師旅與功全焉天子御正殿朝百辟引公父子同日封拜公拜驃騎大將軍左驍衛大將軍依前兼御史中丞又賜實封一百五十戶封光國五原郡王是時軒陛之下龍驤虎賁之士相賀且勸不旬時而名布天下宿衛中禁為王爪牙後二年長安有朱泚之亂公與故大尉段秀實約曰公為曹沫我為荆卿期以一劍而復大駕故公先機而發有害其成段公與公是

日并命君子謂二公之死千古如生

一作萬古如今

時建中四

年十月十日享年六十有二明年鑾輅還宮於公有未及下車之詔追贈太子太保又賜實封五百戶所以賙禔之品禮極數殫而宸衷群望猶未之塞先是淮夷叛命光國東征厥後王事龜筮差池未叶蓋不遑五月同盟之會者七年于茲矣貞元七

一作六

年六月四日夫人

鴈門邵太夫人田氏壽若干棄養于東都安國光國街

恤卜兆得北邙山之南原西遠國門三十許里乃以日

月有時之事請于居守吏部尚書杜公公列狀以聞而
飾終之典如初禮十月乙卯太保公之喪至自京師十
月己巳啓太夫人之殯壬申遷而合祔焉夫人承夫以
禮訓子以義享其豐報鍾慶於身然而太保有命代之
勲寵位未半光國有日躋之孝色養遽違各從其策不
極其分悲夫光國以太子詹事兼御史中丞襲樂平郡
王克東都防禦左廂兵馬次子某試太常卿清國太子
通事舍人潤國未仕皆大夫之特也光祿繼忠襲貴終

以哀報願奉不朽銘之墓門其詞曰

赫赫太保自天降忠見危致命有終有始佐戎于涇涇
帥不龔父心子手震踏元兇皇家中否大盜遣逆偉哉
段公與我同德將滅妖孽載清宸極天之方稔運奪其
力悠悠青史異代悽惻抑抑夫人率禮無違夫忠子孝
寵祿由之九原何許雙劍同歸鼓吹晨發霜清風咽生
榮死哀加等備物于嗟後人無忘忠烈

冠軍大將軍檢校左衛將軍開國男安定梁公

墓誌銘

前人

公姓梁氏諱慎初字智周其先安定烏氏人高祖曰

集無

此宜春郡公諱某當隋末喪亂豪傑並興

集作王

其宗人

師都雄據朔方自號梁王置百官以宜春為宗正有唐

貞觀初梁亡梁

集無此字

宜春首謀率其黨來降拜金紫光

祿大夫右金吾大將軍衛贈涼

集作梁

州牧梁州生左千

牛衛

集無此字

諱叔裕千牛生太子司議郎諱穆之議郎生

頓邱令名犯肅宗廟諱頓邱生公少孤家貧落魄不得

就經學既冠有勇力以弧矢為事性嚴簡直方不苟合

於時博物

集無此字

涉史書一

集無一字

覽歷代成就山川地形

攻守竒正之術已而天寶末函夏寇亂西平王哥舒翰之守潼關也公上書論兵勢且勸深壁不戰以挫賊鋒

西平異之命居戲

集作越

下表授左武衛曹曹四遷至左

衛郎將時賊臣當國而與幕府不協公曰難將至矣遂

間行而南無何西平潰敗公嘗善祔

二唐書作岐

國公魯炆

炆方守襄鄧乃往從之表遷右羽林中郎將屢以果銳

一作 敢 為軍前鋒而寡旗陷堅者四五數奏岐下帝甚嘉

之錄前後功超拜左衛軍加號冠軍封鶻觚縣開國公
既拜命而告人曰徒以蠢爾材力遭亂乘勢以獲爵位
傳曰無得而祿歿也吾懼及焉遂移疾請告解印綬退
耕于野春秋若干以寶應二年秋八月寢疾于河內薨
于五字集作私館沒顧命胤子賁曰始愛夫太行山之
陽將營而老焉又常懼蹈白刃不獲墓墳今幸以天年
終宜從吾志薄塋于此縱汝不忍為玄晏故事當歛以

時服有棺而無柳可也是歲卜筮不吉至大歷九年冬

十二月賁始奉先公之裳帷以安宅

宅字集作窆

焉夫陳力

就列之謂忠見幾不仕之謂智名遂身退之謂達全而

歸之之謂孝夫如是宜刻

一作刊

貞石遺

集作告

于後嗣是

吾宗也實能言之銘曰

肅肅鷄觚敬義直方履柔履剛出處行藏與時弛張弧

矢之利以從王事乃行其志允焯厥位帝命將軍受茲

蒲壁絳革金鞞乃蔚乃嚇人鮮克終獨守謙冲

集作公獨守冲

繒繳不及冥冥高鴻于嗟鶉觚生也有涯令聞無窮

右金吾衛將軍閻公墓誌銘 獨孤及

公諱用之遠祖曰文周昭王瑕之後

集作昭

也昭集無此字

而手有文曰閻康王竒之命封閻城王主

二字集作文是

四十

五代孫蒲仕後魏太祖為諸曹大夫自馬邑家河南其

裔孫慶在隋為少司空慶生毗毗生立本立德唐永徽

中立本為中書令立德為工部尚書立德生玄邃以司

空尚書之餘裕也官至澤州刺史邃生巨源嘗宰射洪

有仁政射洪人詠歌之射洪第二子也温毅遜直庶恪

寬信讀論語老子周易被服其教初仕彭州叅軍嘗攝

督郵一日糾按本州僞謬不法數十事大守徐知人以

為材後有詔擇舍人以公魁偉爽悟集作悟有醞籍乃登

其選會戎師集無此字侵我天子方愛人息戰將以辭讓屈

之詔公使西戎集作域以王命喻禍福戎人頓首請罪介

馬不汗戈鋌不用而虜軍却遷右衛郎將知引駕伏金

吾將軍李質上殿不解佩刀公呵下殿陞請按以法左

右皆振集作震悚自是環衛加肅先是有司以三衛執扇

登殿引蹕公奏曰三衛皆趨悍有材力不當升階陞通

御座請以宦者代上曰可遂為故事天寶三年冊拜公

長女為皇子義王唐書作玘妃加公左驍衛將軍遷義集作

榮王傳初玄宗懲諸侯王之國任事或集或率多驕蹇不

奉法度而受其害故開元之後皇子皇孫雖荷封建之

命未嘗離阿保之手悉無出宮闕集作闕任卿大夫者公

以為王居深宮則傳相職廢上䟽陳古義謁諸侯王四

字

集作請諸侯王

申輔導之禮議雖廢格上以為忠公以集無已此字

白首位為將軍諸侯傳太夫人尚無恙以銀印赤紱侍

朝夕膳色難無違時人榮之太夫人捐館舍禮五十不

毀公泣血三年

集作死孝

既免喪天子復因以宮端事

五字集作

目以俾傳壽王加朝散大夫上在

集作幸

溫泉經時未還

宮京師人望屬車咸惟

集作懷

怨思公獻四十言二

四字集作

四言詩 諷諫優詔褒歎後遷左金吾將軍天寶十五載

二京覆沒公為虜所獲明年戎陳

集作師

奔然後以初秋

集作服

歸主

主字集作至德

後二年十二月終於京師春秋五十

九夫人雍州司倉參軍博陵崔眷言之女專靜冲懿慈

惠而明用從

集作德

禮以佐君子有古風烈亦天終其仁

不遠其筭年若干月日沒於私第歿六載而公薨俱權

厝

集作窆

少陵原有四子定彙

二字集止作信寧世系表止作定

寀寧宣

以家之不造然改

二字集作世

故之無定

集作寧

歲也銜恤茹

血不克喪事者九載廣德中寀以監察御史領高陵令

明年辭縣職始卜筮

集作葬

於故原吉乃歲在丙午十一

月日遷兆合祔焉嗚呼惟音形事業悉知集作如化往獨

陳迹可知二字集與丘墓存焉非金石則無以示久遠故表

而銘之孝子之志也其辭曰

郁郁金吾洵美且靜集作溫事君之忠賢集作資於愛敬集作

親以德資身其祉宜繁彼美輔佐儀刑閨門禮樂是悅

孝慈是敦百歲之後令集作合德九原獨以令範集作軌垂

諸後昆

輔國大將軍魚左驍衛將軍御史中丞馬公墓

誌銘

歐陽詹

墓有誌誌有銘誌記也銘名也名之記墓庶高岸為谷幽懷或呈情當掩者有所歸認斯馬公之墓也公諱實

集作定

字某其先扶風人生於幽州高祖某某官祖某某

官父某某官若干子皆以雄謀果斷稱公則第三人長八尺有羨鵬姿鸚靈霜巖壁峻樂而後笑時而後言孝悌忠信分義節槩覩容可見好史學歷代英豪得失皆覈其有不正不直辨論慷慨若加諸已明陰符善司馬

法起家為范陽軍要籍本軍疑政畫多自出遷千夫長
萬夫長三軍兵馬使莫州近邊戎數為害本軍元帥請
統鎮之戎遠逃遁莫人大义拜御史中丞莫州刺史俄
薊州之患如莫州移鎮

集無此字

薊州薊人繼康攝州刺史

貞元初本軍之事有大者合議於天子自管内二十石
已下擇賢能以公當其選天子異其議竒其詞決所議
荅於本軍而留近侍拜左驍衛將軍宿衛十一年長松
在林利錐處囊森踈穎脫鋒幹獨見天子儲而將用未

有所當貞元十四年寢疾其年七月十一日終于京師
常樂里之私第出身從事若干年署職蒞官若干政春
秋五十一當時俊傑懷材抱器者無不驚呼歎息嗚呼
騏驥有騰千騁萬之足伏乎櫪干將有割犀截象之銚
閉乎匣將用未用一朝變化為骨燕市入泉延平為知
人之痛惜公其比歟夫人鴈門田氏鴈門郡王某之女
哭泣之墓痛而終

集作中

禮子六人男五人一人先公卒

四人在曰綬曰縝曰某曰某綬年三十八縝年十六

集作

五其餘幼稚不言可知女二人一人先公卒一人在四

歲皆

集作此字

至性攀號感動飛走以某年十一月一日塋

于京兆府萬年縣洪固鄉延信里司馬村之少陵原禮也其承眷長沙歐陽某執紼及墓就誌而銘曰

骨肉歸土賢愚共門英英馬公亦封此原大節大誠

一作

成平生所志貞心壯氣松孤壁峙掄擇雖致材成則未

岑峯蒼翠俄摧忽墜脩短無涯傷如之何

文苑英華卷九百四十九

欽定四庫全書

文苑英華卷九百五十

宋 李昉等 編

職官十二

此下五卷英華所編
失作者先後今正之

楊常州德裔墓誌一首 杜袁州墓誌一首

李懷州冲寂墓誌一首 馮潘州衡墓誌一首

陸岐州伯玉墓誌一首

常州刺史楊公

集作伯父
東平楊公

墓誌銘

楊 炯

楊氏之先其來尚矣在皇為皇軒在帝為帝嚳在王為

武王

集作周武

在霸為晉文此之謂不朽西京為丞相東漢

為司徒魏室為九卿晉朝為八座此之謂代祿公諱德

裔字德裔弘農華陰人也即常州刺史華山公之元孫

左衛將軍武安公之長子生而岐嶷代不乏賢事親以

孝聞在鄉黨恂恂如也始以父

父字集作父

任為太子左千

牛備身轉秀容華亭福昌雒四縣令制

集作詔

封東平公

策勲上柱國是時也天子及席求賢勵精為化以公屈

臨小縣焉用牛刀處治中別駕之任方展其驥足耳擢

拜潁州幽州二司馬寬以濟猛嚴而不殘每行縣錄囚

徒其所平反者十八九制

集作詔

徵尚書郎御史中丞蹇

蹇諒

集作亮

直有王臣之節尋以公事去官復拜饒州括

州越州都督府三州長史在會稽引陂水溉田數千頃

人獲其利于今稱之焉遷棣曹恒常四州刺史歷政清

白為當時所重於是覽先賢之言知止足之分罷歸初

服告老私庭乃率群從子弟營別業於宜城

集無此字

神鄉

之望仙里其制宅也宗廟為先廡庫為次居室為後喟
然而言曰古人所謂歌於斯哭於斯聚國族於斯者吾
知之矣維文明元年夏四月某日薨於正寢春秋八十
有五嗚呼哀哉公簡貴不交流俗非禮不動非禮不行
望之儼然聽其言也厲博觀史籍不學書生尋章摘句
而已至於臺閣舊事法令科條莫不成誦在心若指諸
掌最集作九為六集無此字尚書郎二年御史中丞滿歲宰人
者四縣上佐及專城者九州盛德形容被於歌詠門生

故吏遍於天下永淳二年輿駕幸東都召公見於金城

頓訪以得失公採摭

集作博采

群言悉心以對高宗嗟嘆者

良久賜几杖粟帛鄉里榮之一子令珍早亡朝夕溫清

者四女公慨然有喪明之痛因不豫彌

集作遂

留遺命以

弟之子神毅為後越垂拱元年春二月某日與夫人隴

西李氏合葬於

集作于

某原禮也遠近會葬千餘人操筆

而為誄者以百數嗚呼哀哉其

其字集作乃為

銘曰

巖巖華山峻極于天上侵

集作寢

神氣下固窮泉夫惟積

德生我大賢

其一

滔滔河水中國之紀派別九都經營萬

里夫惟積潤生我君子

其二

惟柳

疑作忻按誌文為秀容令即忻州所治

之

城惟華之亭宜陽之地益部之星公為其宰不殞其名

其三汝陰之國薊門之北陂水朝黃燕雲夜黑公為其佐

日宣其德

其四

入踐郎官含香握蘭來居白室直繩明筆

潘子一除士師三黜

其五

邑號鄱陽山名括蒼東南之美

吳會

集作會稽

之鄉展其驥足直

集作實

賴王祥

其六

四州之大

是稱都會千里之榮即分麾蓋言旋舊國保茲耆艾

其七

生為貴臣死

集作
歿

為貴神陰堂是夜古木非春鄧攸無

子天道何親

具
八

杜袁州墓誌銘

前人

公諱某字某京兆杜陵人也高辛之撫教萬人

一作
堯方

帝之平章百姓傳稱聖人之後易曰積善之家在夏為

御龍在周為唐杜三王已降百代可知車服出於南陽

衣冠集

集作
襲

於京兆曾祖榮華

集作
業

後衛秦州別駕祖

良宇文朝復州長史父舉唐易州司兵叅軍州事端履

道掾史安貞厚於天爵薄於人位闕里之庭學夫詩禮

太丘之門執其羔鴈公孝慈而敬威莊而安狎貫義方

周覽典籍服其服則文之以君子之容遂具辭則實之

以君子之德起於

集作家

左翊衛選授貝州府倉叅軍事

出自中禁在於

集作于

外臺謹其蓋蔽實具倉庾尋遷

州咸安許州長杜相州洛陽三縣令地方百里官歷三

城言非法度不出於口行非公道不萌於心令不肅而

威宣教不舒而德洽轉統州司馬制授朝散大夫婺州

司馬又遷蘇州長史加中散大夫鸞鳳不棲於枳棘鸞
雀不集於梧桐宜得其材非公莫可我大周誕受萬國
寵綏四方建官惟賢垂拱而理乃命公為朝議大夫使
持節袁州諸軍事守袁州刺史天王之使列國之君發
其德音而勸不用賞正其顏色而禁不用刑德成而位
尊名遂而身退乞骸告老謝病言歸以某年月日終于
淮水集作海之館春秋七十有七嗚呼哀哉夫人太原王
氏魏驃騎大將軍新昌公平之曾孫唐蜀王府典軍上

柱國志隆之女也纂承洪烈嗣續

集作揚

徽音中外柔加

小大懷睦夫人之化國風美於鵲巢寶劍之沉夜

集作祥

氣衝於牛斗享年四十八嗚呼咸亨二年某月日終長

杜之官第維天授三年春二月合祔於杜陵之平原禮

也王人吊祭儀仗官給長子某官等毀形於骨痛貫於

心父母哀哀昊天莫報佳城鬱鬱白日何年願述餘風

式銘幽壤具銘曰

鳳凰鳴矣于彼高崗顯允君子邦家之光猗歟令德秀

於閨房歲云暮矣池樹荒涼死則同穴如何彼蒼

李懷州墓誌銘

前人

公諱冲寂字廣德隴西狄道人也左衛大將軍西平王之孫荊州大都督漢陽王之子今上之族兄也原夫帝堯之緒運期授於天漢顓頊之胄大命集於皇家光耀則若木十枝波瀾則長河九派或中軍按部金鼓所以節其聲或刺史班條冕旒所以彰其德信可謂玉林多寶天族多奇以御家邦以藩王室者也公山河誕慶辰

昂發祥金多木少孔文舉之天骨玉潔冰清華子全之
神彩南陽季恭偉懸識宰臣沛國趙元儒竊知公望編
漢皇之兄弟列周室之邢茅天下稱其八才吾家號為
千里初任尚舍直長稍遷城門郎仍奉勅於弘文館讀
書掌舍諸宮城門列校制詣東觀有黃香之博聞賜其
制書有班游之廣學尋授駕部員外郎轉金部郎中又
勅公為戎州道支度軍糧使天府充勅軍儲委積振南
宮之紱冕譽表三臺歷西蜀之江山榮高駟馬遷太府

鴻臚二少卿丁難去職揚播之登太府初聞累遷之命
鄭默之拜鴻臚遽見終喪之禮孔宣尼既祥五日彈不
成聲孟獻子加人一等懸而不樂服闋歷青德齊徐四
州刺史東臨巨海西至長原或全齊歷下之軍或大禹
徐方之地任隆刑疑部陶侃八州寄重尋陽桓伊十部
本傳遷宣州刺史吳王舊邑楚國先封江迴鵠尾之城
山枕海根之治蜀郡無此計吏則惟薦張堪潁川尤多
制書則但稱黃霸巡察使以尤異聞遷陝州刺史觀具

井邑號仲上陽之故墟度其川原周公分陝之遺跡唇
齒通其列國咽喉壯其天險善人為政無待於百年童
子行謠先符於兩日于斯時也天以順動帝以會昌脩
封禪於岱嶽作明堂於汶上望山川而遍群神執玉帛
而朝萬國制公檢校司理常伯文昌之省遙接大階建
禮之門旁連復道萬機匡贊八座謀猷既陪軒帝之巡
乃觀漢家之事屬河縣南走憑斗骨而為城居衛蒲東
亡界朝鮮而為役屬乘輿乃誅後至討不庭申命六事

之人以問三韓之罪制曰師出遼左卿可為北道主人
檢校營州都督石門山險銅鼎河流天文則營室辨方
地象則神臺鎮野供其行李鄭國有東道之名為我主
人常山當北州之寄遼東平以功遷蒲州刺史堯都蒲
坂舜耕歷山昭襄王始作河橋穆天子至於雷首汝南
朕之心腹遂拜韓崇河東吾之股肱時徵季布遷少府
監忠信為主揚阜齊衡清白在官常林比德又除蒲州
刺史諸童之逢迎郭伋再牧并州百姓之願得耿純復臨

東郡孝敬皇帝國之儲嗣乾之長男四極奏於重光二年賓於上帝崇其謚號用黃屋於羽儀卜其園塋象玄宮之制度山陵之建也以公檢校將作大匠游衣漢寢之外抱劔橋山之下百工畢力陳琳於是乎躬親諸吏懷恩魏霸於是乎無謫遷銀青光祿大夫行少府監若夫叶時月乘天正秦人往事遊別館而祈年漢宮舊儀下明庭而避暑上幸九成宮以公檢校右領軍將軍本官如故董司戎政以戒不虞七校陳具甲兵五營按其

車服領軍之職用文武於紀瞻右軍之官叙勤勞於常
惠尋以公事免左授歸州司馬楚州舊也始得子男之
田夔之先也裁為附庸之國人同賈傳路似長岑伯騫
有聲於鄉里仲任見知於筆札制遷中大夫行袁州都
督府長史大庭之庫少昊之墟上真降婁金精吐宿旁
瞻日觀木德題山別乘初迎將宣萬邦之化佩刀終喪
徒見三公之服以永淳元年某月日行次唐州方城縣
遇疾薨朝廷聞而傷之贈懷州刺史公嚴而有禮直而

能和行孝立身移忠事主生知者上重之以八索九丘
道在尊加之以文昭武穆故能入登常伯出踐方州為
六卿之儀表發三軍之號令引長戟於門前羅曲旃於
堂下子孫朝夕玉樹相輝賓客遠迎玳簪交映悲夫展
禽三黜安仁再免奚辭棘署俯集桐華慘舒則不繫陰
陽喜溫則不形顏色何嗟及矣竟遊東岱之山無所不
知旋閉南陽之墓二年夏五月日葬於萬年縣龜川鄉
之平原長子某官某次子某官某箕裘必復花萼生光

隣人泣其悲慟明主憂其毀瘠觀其弔客不無雙鶴之
徵察其成墳自有百鳥之感森森隴樹漠漠郊烟右玄
灞而浩蕩左驪山而起伏杜陵萬家之邑非復城池滕
公駟馬之銘不知年代其銘曰

高陽積德武昭餘慶宅鷄開基封唐啟聖叶和萬國平
章百姓天叙諸侯禮陳宗正其一周之曲阜漢之平陸地

則葭莩祥惟嶽瀆鄉黨稱善閨庭雍穆始拜城門即遊
天祿其二大微之位益部之星卿則有六四至丹青州則

有九八牧專城既踐臺閣仍司甲兵其三倚伏無兆遭隨

有運賈諷從王栢譚佐郡自忘寵辱曾無喜愠人去何

歸天高不問其四東都門外長樂宮邊白馬旒旒青烏墓

田揪桁夾路碑石書年百代之後南陽之阡其五

贈潘州刺史馮君墓誌銘 張說

公諱集有君字衡字正平廣管高州人也昔畢萬苗裔邑于

馮城因以為氏其適越者則袁宏過江錄所載長樂馮

祖思之後也遠居僻地代為右族帶甲千人擬四豪之

公子田洞百里齊萬戶之封君祖盎持節總管高州都

督耿國公薨贈左驍衛大將軍荊州大都督恩命分府

為三州授君之三子子知瓊

唐書作
智載

高州刺史子智玳

唐書作
智或恩州刺史猶子子猷潘州刺史公荊州之孫恩

州之子量包山海氣逸風雲陰德以濟物力行以遊道

散岸從心乘化而沒斯實一方超邁全貞之士也夫人

南海郡太夫人麥氏誕媽勲門作嬪傑室初執冀妻之

禮終抗梁冥之行即大將軍宿國猛公鐵杖之曾孫女

也夫人有三子一女同歸上京長子元璉左衛中候次子元珪左領軍衛郎將少子力士右監門衛大將軍以將軍少養於高氏故舉家從其姓焉夫德厚者福長先否者終泰天之報應其虛也哉大將軍所以雲漢奮飛忠孝之感迎聖善於炎海展三牲之色養拔友于於荒徼會四鳥之嚶鳴縉紳美談簪紱傾慕是知敬仲羈旅將育于齊孟軻儒藝成名此母信瑰才之特達亦餘慶之助成乎夫人享年八十有七開元十七年五月十二

日薨于西京來庭里粵八月二十六日

集作二

安厝於長

樂原之新城

集作域

憫將軍之純至嘉先士之晦名恩詔

追贈潘州刺史招魂而合葬焉蓋殊常之禮若夫慈以

遺後孝以揚親忠能合聖惠足昭仁嗟乎馮氏之子具

此四美

集作德

鏤石垂文為不朽矣銘曰

潘州遼世滅跡沉彩詔贈本邦光燦南海其孤永慕昊

天不待夫人處順奄背榮膺悲離兩鄉魂合雙襯孝心

可贈百身

集作年

匪恡天日蒼蒼丘壠茫茫地名長樂人

樂無長郭門之外愁生白楊

岐州刺史平泉

志中作原

男陸君墓誌銘

張說

開元十三年十一月六日故岐州刺史平原男陸公卒
于京師十四年冬十一月塋于鄴西之先塋公諱伯玉
字某河南人識真之士也夫譽其克家光乎觀國篤慈
惠以宰邑弘雅量以執憲擅華妙於禮闈敷文敏於禁
掖推直方以獨坐率易簡以專城

集作城

所居而美風振

所蒞而德聲溢非德充於內而美形於外者焉若是夫
孝盡愛敬之衷悌包友順之節仁叶返身之恕義適成
物之和四者禮之善物歟吾友曾集作嘗從事於斯矣然
而舉禮之綱持心之柄靜則樂先生之道動則濟賢人
之業位不盈年無登壽之才也命也復焉可言哉銘

曰

陸侯泉妙體曠心古龍章炳文麟角藏武索籥冲用詩
書義府移孝則忠安親合主廼建侯社廼牧王畿有嚴

有翼有長有威汲直謝病泰和不醫乞言未老啓手全
歸石鼓東臨銅臺西望別業宛在舊塋增創弱子攀車
孀妻送塋風景飄忽山川惆悵令德可傳浮生匪重神
去一息形遺萬種露往草陳霜來樹拱一仁兮一義長
蕪沒於丘壟

文苑英華卷九百五十

欽定四庫全書

集部

文苑英華卷九百五十一至

三

詳校官庶吉士臣龍廷槐

助教臣常循覆勘

總校官進士臣朱 鈐

校對官助教臣蔡 鎮

謄錄監生臣丁 緯

欽定四庫全書

文苑英華卷九百五十一

宋

李昉等

編

職官十三

滄州刺史鄭孝本墓誌一首

華州刺史李懷讓墓誌一首

明州刺史李長墓誌一首

處州刺史李公墓誌一首

饒州刺史趙郡李府君端墓誌一首

賀州刺史武府君充墓誌一首

滄州刺史鄭公墓誌銘

孫 逖

有唐之德讓君子曰原武男鄭公諱孝本字某滎陽開封人也父曰荊州松滋令乾瓚松滋之父曰大志祕書祕書之父曰華州刺史襄城公諱某世有令德時稱華胄藩衍六姻阜昌百祿非夫緇衣之慶羔裘之仁平惠之勲厲宣之親則孰能光宗保族若斯之盛也公秉彝中和服義先訓孝惟不匱友則因心敦詩以言習禮以

立用此道也行於國施於政善氣潛暢清風高翔何嚮
不可所居則化矣始以明經高第解褐潤州叅軍厥初
奮庸克勤小物吏曹以文敏於從事也故與之縣授泗
州虹縣令魯人稱之璽闕降焉衛人賴之碑頌立焉先
大夫張文瓘人之望也典掌台衡督課郡國以公謀疑
課為第一且曰雖居下邑聲一無此字聞上累疑繇天下長
吏樂以為式若占疑於龜筮如觀法於象魏矣特勅授
蒲州虞鄉縣令理如故迹帝是用臧乃詔公為隴右道

廉察使堪其事也又為本道使杜求仁特表薦以賢舉也制授朝散大夫雍州鄠縣令已而永淳大饑闕輔尤甚能布其德而恤災人不離散下無捐瘠乃耕乃畝嗣歲以登時皇儲監國多公善政特賜考詞褒異睿文光被列郡榮之改懷州司馬歷夏州長史以母老乞罷官優詔換瀛州長史東表不寧也命公為平州刺史兼充使知營府度支營田刺郡實邊能成二事中土之作也命公為洛陽令又轉洛州司馬理煩佐劇為則四方尋

以丁內難去職，樂樂骨立，人倫傷慟。既練有制，起復又除洛陽司馬。公泣血固讓，不獲已，強拜禮從。恩奪而瘠，由哀甚，忝君之命，有以知奉上之心，執親之喪，有以見過人之戚。臣子之道，仁遠乎哉！尋除具州刺史，轉安西都護，以疾不堪，詣部改授滄州刺史。公自重拜洛師，再臨河朔，曾是遘閔，常多移病，隱几而敬讓，興行閉閣而奸邪銷釋，德敷于下，具丘多請禱之人，功格于上，滄海有卧理之詔，老氏云鎮之以無名之樸，其在是矣。聖歷

元年九月以致仕終於東郡之敦行里春秋六十有七
凡束帶在位三十餘祀理京師訓郊甸惠華夏清朔漢
九變復貫百度惟貞其養人也寬而栗其行已也儉而
一撫孤無隔於外姻博施不崇於內實蓋德行之具美
而政事之首出壺遂深中未登漢皇之相國僑遺愛遽
感鄭人之泣公娶於王氏夫人曰琅邪君公正二字疑員
外令思之孫司刑大夫允壽之女稟訓齊大作嬪韓樂
淑慎威儀循守典禮雖貴膺展狄而躬事組紉有雞鳴

之賢有螽斯之盛自嬰晝哭遂契明因忘心味禪悟理
根善總斯純懿貽厥高門宜錫難老何孤淨德以開元
十八年五月終於東都懷仁里享年八十有四明年正
月某日合葬於某所從先塋也嗣子尚舍奉御暉之兵
部郎中倩之洛陽令侶之皆保世之主也克荷三徙之
訓俱登五命之服養極其樂喪盡乎哀閔騫之人無間
言石建之門傳孝道復見茲矣詩曰釐爾女士從以孫
子原武有焉銘之下泉表是真宅銘曰

闕

華州刺史李公墓誌銘

常 袞

天垂將星著在三象國有武柄寧于四方授鉞其難止
戈斯重定封豕長蛇之孽致攀龍附鳳之功朱戟在門
黃金橫帶命掌師旅化成公侯時有汧國公其人也公

諱懷讓字某蓋漢將軍陵之後自五將失道家留隴山
千年于茲因引貴族戎帳之下華風在焉奕葉相乘久
雄朔北本枝必復終茂隴西公則成紀人也曾祖廣壯
武將軍右武衛將軍祖忠雲麾將軍左金吾大將軍贈
銀青光祿大夫太僕卿父俱定遠將軍右驍衛將軍贈
銀青光祿大夫秦府都督積其勲望休有令名上將虎
符延于三代列卿屏節一作象榮及九原後嗣其昌吾門益
大公生於陝右少以勇聞重懸弧四方之事有長劔三

軍之志去病籌畧不學兵書賈逵兒童即陳部伍人許
封侯之相時歸拜將之望安危成已任取富貴於掌上
一日千里豈徒然哉以良家子選羽林郎騎射絕倫材
官人侍射熊舊館戲馬前臺百步應弦兩驂如舞便繁
左右趨奉階闈蛇疑作侯嘉漢市屬皇室艱難王師巡
狩侍執羈勒扈陪鸞輿節時見危捧六龍於岐下口陳
天命從五馬於回中披荆榛而執父冒風雨而持蓋中
原行在寶掌禁戎領護鈎陳典司環列出入警蹕肅清

扞擲羽衛甚嚴軍容益振夜合搶壘曉開旌門擁佳氣
於月營橫大風於天仗始自靈武至于扶風險阻屯蒙
未嘗離上削平休泰終契興王從收京師首列勲舊於
是出鎮左輔建牙近關扼天下之樞走山東之盜三秦
巨防萬里長城闕屯田於斥鹵強士馬於撫犍仁以理
軍不聞半菽知能料敵豈在前茅兼牧人御衆之才得
憂國奉公之禮竹符蕪剖鈴閣長閑百城歌之政有經
矣公始自一命驟更秩舉其大者不可備書歷臨彰府

折衝射生供奉後以佐命功特授鎮國大將軍左羽林
軍大將軍知左神武軍事加特進兼鴻臚卿左神武軍
大將軍封沂國公又加開府儀同三司克潼關鎮國軍
使同華等州節度使華州刺史使又兼御史丞試殿中
丞尋拜御史大夫檢校工部尚書並一作兼舊務雲從
龍風從虎以雄毅之畧遇聖明之主事與時並名與功
偕位極文武權分中外勲書甲令象列雲臺大丈夫特
達有如此者不知者壽謂之何哉廣德元年九月三日

薨于華州軍府春秋若干天子聞之輟朝興嘆特優命
數寵贈司空詔發輜車即日迎柩列辟卿士咸會喪焉
贈賻襚含有加故事京兆尹監護內謁者致以詞即以
其年十月四日陪葬建陵旌勲臣也將軍鹵簿司空法
駕鉦車介士前後鼓吹觀者稱榮懦夫增氣百官臨弔
畢集孔光之門五校送喪直至鄧宏之墓君臣之義厚
莫重焉有子四人前光祿少卿林光等孝因天性哀過
禮經克紹臧孫之後咸稱文氏之子史臣奉詔謹而誌

之銘曰

有唐上將佐命通侯降神太白稟氣清秋弓落飛雁劍
衝斗牛少年戴鶡上陌鳴騶綉衣朱襪越戟吳鉤入隨
夜警出從春蒐運屬艱難謀叅締構善行無迹大勇不
鬪三輔功名五原恩舊家榮鼎食廟列金奏翠羽在庭
紫駟填廐寵私之盛誰出其右命所不與人之云亡萬
乘震悼三軍悲涼謁者歸暉羣公會喪特陪玄闕永祔
黃腸禮優同等恩茂舊章碑題蟲篆用紀龍驤

明州刺史李公墓誌銘

梁肅

大曆七年冬十月甲子前明州刺史李公寢疾終於晉陵之無錫私館嗚呼公諱長字某隴西狄道人其先自涼武昭王玄盛七葉至皇朝工部侍郎岐州刺史義琛生吏部郎中綰綰生蔡州長史贈宋州刺史某某生公公生而聰明治左氏春秋舉孝廉初任貝州叅軍三遷至國子主簿御史中丞盧奕司察甸服辟為從事天寶十五年

集作

載大盜覆東周奕死節公遁脫而南會永王

璘都督江左諸軍雅知公材將署于幕以畫公告不能

無何璘果敗君子以公為知幾時肅宗在岐

集有政字非

朝

廷擢良吏以慰郡縣不限官次多即授印綬丞相韋見

素表公可用牧民詔攝安州刺史考績既成真拜均州

治中遷鄧州康允之叛南土大擾公會諸將以王命討

不臣尺兵不喪凶黨大壞宛節之間民到于今受其賜

上方勤恤下民重二千石之任不暇登公於朝由是歷

隨曹婺三州三州輯寧徵傳韓王王德既宣出為梓州

又換明州時越初靜瘡痍未復公務稽勸分人安懷之
及其去也如失乳育嗚呼公凡歷官一十有四其剖符
分憂者八享年七十其為人也剛毅寬明惠和而清所
至之邦先以禮後以刑使人遷善遠罪而不知其止君
子曰古之良吏也初公無胤子命兄子某為後八年十
月某奉公之喪及葬於河南萬安山之陽夫人博陵崔
氏秦州掾孝之女既笄而歸于我以宣慈恭順享年五
十先公而歿公為明州之二年以夫人之喪反葬萬安

至是祔焉禮也夫惟天地之道可久若陵谷則無不遷也遂銘曰

於惟公先寔曰庭堅作舜五臣為唐八元周道不行伯

陽西遷晉失其政涼興勃焉武昭之孫宋州之子如珪

如璧如松如梓

集作杞

爰在下位令聞疊疊帝曰休哉命

牧南鄙在鄧有亂惟我行師寇戎既夷剖符于隨曹無

罷人嫠有去思或傳或藩受命咸宜爰自東南薄言旋

歸謂天聰明胡不憇遺節彼萬安松柏丸丸猗歟齊姜

同穴其間橫峙惟崧旁流洛川銘勒金石永昭億年

處州刺史李公墓誌銘

前人

公姓李氏諱某隴西城紀人也字曰公受其先在晉霸

西涼在魏侯姑臧長發有光乃盛

集無此字

熾而昌五代

集作

世生秦王府戶曹贈太子舍人某以恭德垂裕實公之

大父水部郎中眉州刺史某以宏材廣化實公之烈考
禮部尚書襄陽席豫以大名謚文實公之外祖公生而
聰邁十六以黃老學一舉登第十八典校弘文二十餘

以金吾掾假法冠為孟侯皞湖南從事給事中賀若察
宣慰南方請公為寮佐其後宰東陽宣城二縣辟宣歙
浙東二府府主崔侯昭咨以小大之政由監察轉殿中
侍御史建中初朝廷釐飭百度高選尚書諸曹即拜公

金部員外郎選吏部張鎬

集作
鎰非

節制大梁請公為介授

檢校吏部郎中兼侍御史使輟遂退耕漣洛之間起家

除陝州刺史換處州刺史累陞至朝散

集作
議

大夫爵隴

西縣男既授代家于鄱陽享年四十有八以某年月日

邁疾捐館夫人武城縣君清河崔氏生一女未亂公母
弟曰丹有季方之賢茹哀問卜以某年月日奉輅車歸
葬于洛陽某鄉原禮也嗚呼當漢道之盛賈誼董生桓
譚馮衍皆以高才鉅名或位淪下國或廢落田里夫豈
不遭明時不識明主哉蓋運有通躋事有離合不可以
一經集無此字理言也惟公有孝友仁謙集作謀之德文學政
事之美卓立不羈之才竟委遲半塗僻典荒服且乏鄧
攸之嗣而終管輅之年時歟命歟可為慟哭者已始公

之孤喪過乎哀丁內艱也東陽之人飲

集作斂

公惠憫公

荼毒行泣贈

集作助

祭既除而止奉歸宗之姑惟敬與愛

原闕

饒州刺史趙郡李府君墓誌銘 顧况

粵攷春秋叙事之實趙郡東祖源流甚長衛州刺史嘉

祚曾孫榮州刺史璿孫贈尚書即銛子諱端字公表官
由臺省興元少尹少府監出泉饒二州刺史叅佐不書
畧也貞元八年秋七月終于郡署年六十一明年八月
庚申窆於鳳山之東原嗚呼神明無質君子能通其意
以為教本仲尼闡教微言七十子揚大義去聖雖遠其
七十子之季孟乎至於饒禮將驅俗經以道俗饒之人
始有講睦之聲上員不弔織疑作我渠喆昔桐鄉嗇夫
猶葬桐鄉桐鄉之人皆祠之今饒之葬如此嗚呼列章

載云精神天之久骸骨地之久此言骸骨滅其精神不
滅者何從心上變起而生辰促常讀衆聖之書上於釋
典如川及海之無翻流蘧蘆疑作爐久處奮迅泥滓宜諸
精爽黜陟幽明亦由是也夫人贊皇郡清河崔氏從其
子拭盡力哀敬記石陵谷永質天壤銘曰

蘭桂有叢以薰其風邯鄲舊氏厥祖惟東吁嗟府君其
命不融精神本天不在乎地舊國飛魂新塋掩隧逝不
可止哀何不既

賀州刺史武府君墓誌銘 符載

武氏之得姓遠矣府君之世家貴矣左右僕射司徒太尉尚書令楚僖王士讓之玄孫九江王弘度之曾孫納言司徒同中書門下平章事定王攸暨之孫尚書膳部員外郎徐州刺史勝之子外祖母為玄宗皇帝之姑皇妣為肅宗之姨豫章之根大天津之流廣穠華靈潤鍾于府君焉府君諱允字虛受墻岸魁峙操履堅峻蘊之文武辯有口才

一作蘊文武
盛材辯有口

喜立名跡以排難拯時為

事業始以高廕補兩館生解褐授洪州南昌尉操利及也次授潤州江寧尉馳驥足也自廣州司士掾轉陳州錄事叅軍甲子歲蔡賊希烈叛猛用亮器逆師至于襄城遣裨將鄭貴以精卒一萬來逼我城焉刺史薛寶任公如臂指憑公如金湯顧盼成丘陵呼嘯為矛戟寇用懾息不得攻取井邑完固我之力焉俄而大梁陷茲地孤險實慮吞奪遂馳謁劉宣武不免介冑而說之換兵鬪騎動如響荅保安究竟我功

一作公

綽焉劉司徒嘉其

威毅咨其策畫延致幕府以為賓榮是時希烈赫然東
平勢雄或相寵亂以膏濟火公復驅皇華之車投之以
心脅論之以逆順張之以禍福示之以機宜祕謀飛辯
得走丸反掌之勢由是淄青致寧陵之師解陳州之圍
合匡君之力摧兗邪之氣破堅陣擒宿將平姦隙結歡
好誅逆將在茲一舉得不謂三寸之舌賢於百萬之師
乎司徒表其勲績亟聞乎闕下累遷尚書虞部員外郎
報功也無幾何丞相府除退歸鄭郊五六年間居易食

貧雖四方禮辟日至其戶不苟其所從也適值有土

一作

士者懟其不答或用陰訕遂有臨賀之拜焉至郡教民
以慈愛易俗以禮讓達其志意通其嗜慾曾未朞歲大
用治理嗚呼南方氣炎春秋稍高冀遷元土養護餘齡
居任凡六霜竟困於足痺年六十九以貞元十八年夏
五月丙戌卒於官舍遺孤扶護以十九年秋七月戊子
葬於滎澤之廣武原禮也嗚呼才與命二者難并今古
其猶病諸上帝實司之為之奈何以公之行業誠信宏

才敏識宜躋上位利及庶物而纔止尚書郎二千石牢
落遠地竟至於殂纓紱之士愁憤慨息可勝道哉夫人
隴西李氏朝散大夫祕書丞和光之女母儀陰教輝華
士族先公數歲而歿至是而合祔焉嗣子曰異曰典温
厚謹良奉承家風茹荼毀瘠動中于禮從子沈貳其寔
宥之事以余為舅之友也見托為銘曰

悠哉悠哉位不勝才一郡褊小六年徘徊逸翮徒張高
風不來炎徼隕落縉紳悲哀舊櫬新墳榮澤之隈冥冥

鸞鳳同棲夜臺

文苑英華卷九百五十一